

東韓事略 琉球事略


三

世

雜書部
第一函
壹
共八冊

				和書門
四冊	一〇架	一三八函	四三四五三號	類

內閣文庫			
番號	和	43453	
冊數	48 (35)		
函號	261	5	
架	冊	號	類



東韓事畧

彩巖桂山先生傳

先生諱義樹。字君華。號彩巖。又有霍汀天水漁者之號。

東都人。其先甲斐人。武田晴信第三子。曰葛山信貞。其

子義定。改稱桂山氏。音桂邦先生乃其五代孫也。幼聰


慧絕倫。七歲時。客與父談時勢得失。民間利病。先生進

曰。不在其位。不諱其政。客大奇之。及長。遊於林整宇之

門。精究理學。尤長於詁章。室鳩巢每嘆曰。君華其行敦

篤。而其材宏大。挺然於埃壘之表。文采風流。足雄睨一

世。三宅觀瀾。又喜其篤學能文。而屢推轂之。先生深悼



東韓事畧

傳

惜赤穗義人題泉岳寺墓曰。蒼天空洞不能言。狂瀾代
鳴國士冤。歷歷忠肝四十六。海上精藍易黃昏。二十年
前春風殿。一念殺人羊觸藩。國破家亡何顏面。廷尉三
尺不足尊。千金散盡武陵市。鐵椎夜叩仇家門。滿庭白
雪踐爲血。快劍斬斷長蛇元。歸來松楸一哭足。甘心伏
誅入九原。寒山風雨點燐火。或將孤月吊英魂。此輩平
生衆人遇。唯知一死酬主恩。却笑橋下漆身子。多少計
較向人論。先生不苟交。唯與梁田蛻巖高瀨學山中村
蘭林友善。皆嘆以爲難得之才。物茂卿聞先生篤學。屢

贈書牘。辨論疑義。其意在難詰。程朱說。而先生不與之
抗。以謂偏才曲學。未足以窺精微所在也。蛻巖嘗寄書
勸其持門戶。而先生退讓。不欲近名。元祿九年。以整宇
之薦。應幕府辟。爲講官。寬保三年。奉旨重訂武德
大成記。以其居遠。命僦居整宇家。以卒其業。前後賜
金者數矣。至書物奉行。幕府嘗特命許覽秘府書。
書莫不讀。又博綜衆藝。善草隸。精樂律。尤其所長云。寬
延二年三月二十一日。以病卒于賜第。年七十二。遺言
曰。我無德學。又無官績。勿建碑。著有彩巖集二卷。行于

世。

論曰。元亨之間。文運日隆。崎木伊物之門。俊傑輩出。鼓動一世。林門則寥寥乎茂間。况先生篤學自修。不欲近名者乎。雖然。觀鳩巢觀瀾之獎讚不舍。先生之所以為先生可知也。德不孤必有隣。豈非先生之謂乎。

安中城主板倉勝明子赫撰

東韓事略

東都 桂山義樹君萃輯

朝鮮在鴻荒之世。檀君開其國。而自中華入治之者。以

殷箕子為祖。初有朝鮮之號。

東國輿地勝覽卷五十一。手壤郡下云。居東表日出

之地。故名朝鮮。○又引史記索隱云。地有汕水。故名。汕音鮮。

是稱前朝鮮。遂箕氏王

其地者。衛滿也。是稱後朝鮮。至孫右渠。而朝鮮之域。盡

入於漢。以為郡縣。厥後中華號令。不及殊方。由是種類

分為數部。其為君長者三。馬韓。辰韓。弁韓。是也。後三韓

各改國名。馬韓稱百濟。辰韓稱新羅。弁韓稱高麗。當唐

時新羅滅高麗百濟而一之。五季之初。新羅之臣王建自立為王。國總稱曰高麗。逮明主中國。其臣李成桂滅王氏立國。復朝鮮之號。傳迄於今。是其大略也。今採東國通鑑紀其世系云。東國通鑑五十七卷。上始檀君。下盡高麗。朝鮮原有此史。成化二十年。其大臣徐居正等。新脩補定。上箋以進。萬曆二十年。我國平秀吉再攻朝鮮。國內兵燹。此書亡矣。而存於日本。疑是壬辰之亂。搶奪之物也。如其李成桂以後事者。採清王鴻緒所撰明史藁也。明史藁凡三百十卷。康熙十七年。奉勅撰。雍正元年。奏進。朝鮮見列傳一百九十九卷也。

朝鮮世系

檀君

東方初無君長。有神人降于檀木下。國人立為君。是為檀君。國稱朝鮮。唐堯戊辰年也。初都平壤。後徙白岳。至商武丁八年乙未。入阿斯達山為神。俗說云。享年八。此說可疑。乃傳世歷年之數。非檀君之壽也。

箕子

前朝鮮。周武王封之。世世相承。其四十一代孫箕準為寓客。衛滿見逐。失其國。箕子都平壤。為民設禁八條。○逐。虛子曰。箕子率中國五千人入朝。

東國通鑑

東韓事略

衛滿 後朝鮮

至其孫右渠為漢武帝見滅國為臨屯玄菟樂浪真蕃四郡。

百濟 三韓 初名馬韓。

始祖温祚王傳世三十六世至義慈王唐高宗顯慶六年新羅與唐滅之共六百七十八年。

高句麗 初名弁韓。

始祖東明王姓高氏唐高宗總章元年見滅於新羅傳世三十七王共七百五十年。

新羅 初名辰韓。

始祖赫居世姓金氏至太宗王并高麗百濟至敬順

王見滅於王建傳世六十五王共九百九十六年。新羅

脫解王夜聞始林有鷄聲明遣人見之有金積掛樹梢白雞鳴其下開積有小兒姿顏音偉王喜養為子以其出金積姓金氏改始林名雞林因以為國號。

高麗 姓王氏

太祖神聖王 諱建字若天漢州松嶽郡人金城太守隆之子母韓氏氣度雄深寬厚有濟世

之量在位凡二十六年統一之後八年壽六十七。

惠宗義恭王 諱武字承乾太祖長子母莊和王后氣度恢弘從太祖征百濟有功在位二年。

甘雨紅薇

東韓略

作西

壽三十四

定宗文明王

諱堯。字義天。太祖第二子。母神明王后劉氏。性好仙。多畏信圖讖。在位四年。壽

二十七

光宗大成王

諱昭。字日華。定宗母弟。禮待群臣。明於聽斷。恤貧弱。重儒雅。夙夜孜孜。庶幾治

平。中歲以後。信讒言。多殺人。酷好佛法。奢侈无節。在位二十六年。壽五十一。

景宗獻和王

諱倬。字長民。光宗長子。母大穆王后皇。甫氏。温良仁厚。不好嬉遊。及其末年。厭

倦萬幾。日事娛樂。沉溺聲色。好圍碁。昵近小人。疎遠君子。由是政教衰替。在位六年。壽二十七。

成宗文懿王

諱治。字温古。太祖第七子。旭之第二子也。母宜義王后柳氏。天資嚴正。器宇寬

洪。立法定制。崇獎節義。求賢卹民。政治有可觀者。在位十六年。壽三十八。

穆宗宣讓王

諱誦。字孝仲。景宗長子。母獻哀王后皇甫氏。成宗養于宮中。性沉毅。幼有人君

之度。善射御。而嗜酒好獵。不留意政事。信狎嬖倖。以及於禍。在位十二年。壽三十。

顯宗元文王

諱詢。字安世。安宗郁之子。母孝肅王后皇甫氏。王性聰悟。仁惠敏於學。工詞翰。

在位二十二年。壽四十。

德宗敬康王

諱欽。字元良。顯宗長子。母元成太后金氏。性剛斷有執。在位三年。壽十九。

靖宗恭惠王

諱亨。字申炤。德宗母弟。仁厚寬洪。英敏果斷。在位十四年。壽三十二。

文宗仁孝王

諱徽。字燭幽。古諱緒。顯宗第三子。母元惠太后金氏。幼而聰哲。及長。好學善射。

志略宏遠。寬仁容衆。凡所聽斷。不復遺忘。在位三十七年。壽六十五。

順宗宣惠王

諱勳。文宗子。少有疾。居廬益甚。卒于喪次。在位纔十一日。壽三十七。

東韓事略

宣宗思孝王

諱暹字繼天古諱蒸又祖順宗母弟幼而聰慧及長孝敬恭儉識量弘遠博覽經史尤工製述在位十一年壽四十六

獻宗恭殤王

諱昂宣宗長子母恩肅太后李氏性聰慧九歲好書畫凡所見聞未嘗遺忘在位一年壽十四

肅宗明孝王

諱闡字天常古諱淵宣宗母弟幼而聰慧及長孝敬恭儉雄毅果斷五經子史莫不該覽文宗愛之常曰後之復興王室者其在爾乎宣宗九年扈駕西京有紫氣騰幕上望氣者以為王者之符在位十年壽五十二

獻宗文孝王

諱俱字世民肅宗太子母明懿太后柳氏深沉有度量雅好儒學在位十七年壽四十五

仁宗恭孝王

諱楷字仁表古諱構獻宗長子母順德王后李氏性仁孝寬慈好學多才待師友以禮在位三十四年壽三十八

毅宗莊孝王

諱珣字日升古諱徹仁宗長子母恭獻太后任氏性好遊宴狎群小卒及於禍在位二十四年壽四十七

明宗光孝王

諱暉字之旦舊名暉毅宗母弟初封翼陽侯鄭仲夫廢毅宗迎立之柔懦無斷政在於下為崔忠獻所廢在位二十七年壽七十二

神宗靖康王

諱暉古諱昉字至華明宗母弟封平涼公崔仲獻廢明宗迎立之在位七年壽六十

煥宗成孝王

諱譔字不陂古諱惠神宗長子母曰靖宣太后金氏神宗三年封太子七年正

皇朝通志

東韓事略

卷五

月奉遺命即位。後為崔仲獻所廢。在位七年。壽五十七。

康宗元孝王 諱祺。字大華。一字法桂。明宗太子。母光

在位二年。壽六十二。

高宗安孝王 諱囑。字大明。一字天祐。古諱囑。又改。啜

八月。受遺詔即位。後元追諡忠憲。在位四十六年。壽六十八。

元宗順孝王 諱楨。字日新。舊諱側。高宗長子。母安惠

即位。後元追諡忠敬。在位十五年。壽五十七。

忠烈王 諱明。古諱誥。元宗長子。母順敬太后金氏。性

寬厚。喜怒不形。幼嚮學。讀書。知大義。然溺於宴樂。昵近群小。父子構嫌。在位三十四年。壽七十二。

忠宣王 諱璋。字仲昂。古諱誥。蒙古諱益智禮。普化。忠

烈王長子。母齊國大長公主。性聰昭果斷。與利祿害。凡所施為。粗若可觀。然父子之間。漸德實多。而久居上國。自罹竄逐之辱。在位五年。壽五十

忠肅王 諱燾。小字宜孝。蒙古諱阿剌訶。或失里。忠宣

王第二子。母蒙古女也。速真。追贈懿妃。性嚴毅。沉重。明善製述。工隸書。在位前後二十五年。壽四十六。

忠惠王 諱楸。蒙古諱普塔失里。忠肅王長子。母明德

太后洪氏。性豪俠。好騎射。喜營財利。荒淫无度。群小得志。忠直見斥。一有直言。必加誅戮。人畏罪。莫敢言者。在位前後六年。壽三十。

忠穆王 諱昕。蒙古諱八思麻。兒只。忠惠王長子。

母德寧公主。性聰慧。在位四年。壽十一。諱岷。蒙古諱迷思監。兒只。忠惠王庶子。母禧妃尹氏。在位三年。壽十五。

東韓專略

恭愍王

諱顯。古諱祺。蒙古諱伯顏帖木兒。忠惠王母弟。性嚴重且慈仁。頗得衆心。晚年。猶忌荒惑。以及於禍。在位二十四年。壽四十五。

辛禰

小字牟尼奴。辛毗婢妾。般若所出也。或云。般若所生兒死。竊取他兒養之。恭愍王稱爲己子。王薨。李任仁立以爲君。恭讓王卽位。誅之。僭位十四年。

辛昌

諱璋。神宗七代之孫。初封定昌府院君。己巳十一月。李成桂與沈德符。鄭夢周等。定策立之。在位四年。壬申十一月。遂于原州。降封杆城郡恭讓君。後三年薨。後追封王。

右高麗傳

世三十二世。凡四百七十五年。亡於明大祖洪武二十五年。受禪者李氏。國號朝鮮。

朝鮮

康獻王

姓李氏。名成桂。高麗恭愍王之朝。爲侍中領軍府。廢辛禰及子昌。而立王璠。又廢璠而自立。明太祖俞允。於是改國號曰朝鮮。自改名曰。建文六年薨。

恭定王

名芳遠。康獻王之子。永樂二十年薨。

世宗

莊憲王

名珣。恭定長子。景泰元年薨。

恭順王

名珣。莊憲子。景泰三年薨。

王

名弘暉。恭順子。立三年。以年幼且疾。上表禪位叔父璠。

惠莊王

名璠。成化四年薨。

襄悼王

名昉。惠莊子。成化六年薨。

定一作墳

東華事略

康靖王 名娑。襄悼之兄。故世。子暉子。弘治五年薨。

王 名懼。康靖長子。弘治五年薨。

恭僖王 名懼。懼之弟。嘉靖二十三年薨。○初高麗國。王。氏。洪武間。王顯遭弒。無後。權臣李仁人立。

僞姓為嗣。後國人得王氏之裔。瑞立之。瑞昏亂。衆推門下侍中李成桂。主國事。請於朝。許之。改名旦。

更國號曰朝鮮。成桂與仁人異族。永樂間。降。祭海嶽。祝文稱成桂為仁人子。而祖訓亦載仁人子成。

桂。憚上疏。奏辨明帝從之。○嘉靖八年。陪臣柳溥。上言國祖李旦。係本國全州人。二十八世祖潮仕。

新羅。為司空云云。十五世孫成桂。至正辛丑。恭愍。十年。有紅巾入境。成桂擊之有功。授武班職事。時。

尚未知名。恭愍無嗣。陰畜寵臣辛卯之子。調為子。晚被嬖臣洪倫。內豎崔萬生。弒。權臣李仁人。誅倫。

萬生而立。禍。權成桂門下侍中。調遣兵侵遼東。成桂不從。返兵。禍懼。遜位於子昌。昌以僞姓。見黜。復。

立王氏裔孫定昌君瑞。竄仁人於外。瑞復無道。國人戴成桂。請於高皇帝立為王。更名曰。瞻。瑞別邸。終其身。實未嘗為弒。今重修會典。乞賜昭雪。帝許之。詔送史館編纂。

仁宗 榮靖王 名喟。恭僖子。立者。踰年薨。

明宗 恭憲王 名頤。榮靖之弟。隆慶元年薨。

穆宗 昭敬王 名昞。恭憲之姪。萬曆三十六年薨。○昞字彙云。與專切。音浴。日行也。

王 名理。昭敬長子。立十五年。為姪。崇所篡。

王 名傑。始。

王 名。名。

王 名焯。○焯字彙云。通。回切。退。平聲。又音吞。

東韓車略 八

人物

鮮朝 申叔舟 世宗朝再登第。以書狀官使日本。

屏族求詩者全集。操筆立就。略不經意。日本嘆服。

每因使者問其安否。復奉命往遼東。與大明前翰

林黃瓚質問正韻。往還凡十三度。撰洪武韻通

攷。世祖朝持節征野人捷還。上喜曰。叔舟予之諸

葛亮也。四帶功臣。再為首相。凡議論常持大體。略

其苛細。為朝野所倚重者。幾二十年。卒諡文忠。所

著保閑齋集。行于世。

高麗 金富軾 肅宗時翰林司諫。毅宗朝以功名終。年七

十七。諡文烈。有文集二十卷。

上同 崔瀝 忠肅朝為均成大司成。致仕之後。不作家

人生業。號拙翁。為文章。不資師友。性少許可人。

上同 李奎報 允綏之子。九歲能屬文。時號奇童。經史百

家佛老之書。一覽輒記。英宗朝及第。高宗時累歷

判秘書省事。時蒙古兵壓境。屢加徵詰。奎報久掌

兩制。陳情書表。元帝感悟撤兵。王大喜之。授樞密

詹事。以門下侍郎致仕。諡文順。性豁達。不營資產。

肆酒放曠。爲詩文汪洋大肆。一時高文大冊。皆出其手。有集行世。

上同李仁老。能屬文。善草隸。明宗朝。出入史館。凡七。四年以詩酒自娛。所著有銀臺集。雙明齋集。破閑集。

上同李崇仁。恭愍朝人。多才盛名。有陶隱集。後以鄭夢周黨遠流。尋卒。

上同李存吾。字順卿。剛正學者。廷叱辛旽。

兩涉李穡。天資明敏。博覽群書。詩文操筆卽書。恭愍朝。擢魁科。又征東行省試第一名。充書狀官。赴廷

試。歐陽玄見穡對策。大加稱賞。遂擢置第二甲。東

還累官門下侍中。掌國文翰數十年。屢見稱中國。

勉進後學。以興起斯文爲己任。學者皆景慕。入朝

鮮。封韓山伯。諡文靖。有牧隱集五十餘卷。行于世。

鮮朝徐居正。字剛仲。中甲子科。又擢重試。拔英登俊三

科。參佐理功臣。官至議政府左贊成。封達城君。諡

文忠。爲詩文瞻敏。多所著述。主文衡凡二十六年。

明戶部侍郎。祔順奉使朝鮮。居正爲接伴。酬倡。筆

不停輟。順嘆服。有四佳集。東人詩話。筆苑雜記。太

甘雨亭叢書
東韓事略

平閑話等

涉朝 鄭道傳 字宗之。恭愍朝。登第以直貶。結廬三角山。

講書。號三峰先生。從朝鮮太祖策立。恭讓賜佐命功臣。

後為大官。以罪誅。

朝 姜希孟 議政府左贊成。謚文良。詩文精深。有私淑

集十七卷。

同 權進 高麗季坐事流陽村。因為號。

同 金守溫 文章奇古。有拭疣集。

高麗 鄭夢周 號圃隱。高麗大臣也。李成桂將篡時。有袁

祭之節。李黨擊殺於途中。夢周辛禱之四年七月。來日本。九州節度使源

了俊待之。尋還。

高麗逆臣辛毗

恭愍王十四年五月。以妖僧遍昭為師傅。賜號清閑居

士。咨訪國政。昭靈山縣王川寺奴也。幼為僧。不見齒於

其類。王夢人拔劍刺己。有僧救之得免。明日以告太后

會金元命以昭見其貌惟肖。王大異之與語。聰明辯給。

自謂得道。詭為大言。輒中旨。王素信佛。又惑夢。由是屢

密召入內。與之談空。昭目不知書。常遊京都勸緣。誑誘

諸寡婦。售其奸淫。自見王務矯飾。枯槁其形。雖盛夏隆冬。常衣一破衲。王益重之。凡饋衣服飲食。必潔淨。至於足襪。必頂戴致敬饋之。李承慶鄭世雲。以爲妖僧。欲移之。王密令避之。慶雲死。髮而爲頭陀。復來謁王。始入內用事。言无不從。人多附之。士大夫之妻。以爲神僧。聽法求福而至。昭輒私焉。改姓名稱辛吨。王遂進之要任。於是張威福。擅生殺。或黜貶。或刑死者。日相尋。而高麗之元氣遂絕矣。二十年七月。吨謀反。流于水原。誅其黨奇顯等。吨自知鴟張太甚。恐王忌之。遂謀不軌。欲移王謁

陵之路。不果。吨門客李報備知兇謀。匿姓名爲書。投宰相宅。亡去矣。於是事覺。遂誅吨。支解以狗。梟首京城。吨姓畏吠犬。惡射獵。且縱淫。常殺烏雞白馬。以助陽道。時謂吨爲老狐精。恭愍誅吨。取其妾般若。所生男子牟尼奴。入內。稱吾子養之。辛禍是也。辛禍卽位之後。生母般若。自訟于宮門。命投臨津。殺之。

詩 東國輿地勝覽

朝鮮平壤屬平安道。高麗王氏之故都。文錄年。小西行長。深入與

甘雨亭叢書

東韓事略

北

李如松戰于此。牡丹臺在焉。○今李氏之都者。號三城。去平壤百里。西北之都會也。其

地豐贍佳麗。有大同江。乙密臺。浮碧樓。永明寺之勝。

浮碧樓

金富軾

朝罷離宮得勝遊。無窮景象逐雙眸。天邊列岫重重出。

城下寒江漫漫流。柳暗誰家酤酒店。月明何處釣魚舟。

牧之曾願為閑客。今我猶嫌不自由。

又

李穡

昨過永明寺。暫登浮碧樓。城空月一片。石老雲千秋。麟

馬去不返。大孫何處遊。長咲倚風磴。山青江自流。

又

李崇仁

勝日洞登百尺樓。長江滾滾自東流。佳人媚嫵空青眼。

遊子歸來欲白頭。巖勢遠回猶未了。物華生意不能休。

吟餘却憶龍潭上。信美還如客裏愁。

又

鄭道傳

永明山下大江流。畫舸來尋浮碧樓。風笛正高天欲暝。

烟波渺渺使人愁。

又

鄭夢周

為中朝使節伴而作。

使臣頒詔飽清遊。俱是當今第一流。王節遠尋滄海上。

黃花相見浪江頭。人生得酒莫辭醉。客裏對山聊可休。
政是四方歌聖德。不須登眺起閑愁。

又

權近

勝日聯鞍出郭遊。山前傑閣俯長流。娟娟遠樹平郊外。
汎汎扁舟古渡頭。千載繁華相代謝。四時風景豈終休。
登臨悵望東南久。縹渺烟波送客愁。

平壤八景

密臺賞春

曹偉

荒臺戔戔錦綉山。斷崖斗絕臨江灣。一夜東風花似錦。

煙光草色春斑斑。流光鼎鼎如飛鳥。滿眼部華十分好。
明朝携酒擬重尋。却恐花殘春已老。

浮碧疏月

半空高棟翔虹霓。俯瞰大野群山低。憑欄正值挂輪上。
例浸萬頃青玻璃。空明上下漾寒碧。金影閃閃芦花白。
夜深不堪風露寒。更喚飛仙吹鐵笛。

永明尋僧

江雲黯黯如抹漆。雪花滿地深沒膝。騎驢曉出長慶門。
石磴路滑驢頻叱。古寺居僧尚掩扇。隔牆冉冉茶煙青。

呼僧談笑共煨芋。坐久風來聞塔鈴。

普通送客

紅樓高壓綠楊路。遊絲落絮飛無數。朝來一雨濕輕塵。燕舞鶯啼春正暮。日邊何處是神京。駢駢四牡催嚴程。一尊酒盡各分袂。陽關三疊斷腸聲。

東門泛舟

城南咫尺古渡頭。江水澄澄如潑油。潦收天高積陽散。風煙淡淡橫素秋。試泛扁舟並灘瀨。滿耳江聲聽澎湃。酒酣相答欵乃歌。白鷗飛沒蒼茫外。

蓮塘聽雨

石甃方池深更淨。萬朵亭亭爛相映。艷粧曉日鬪嬌嬈。翠蓋紅雲搖綠鏡。寶闌十二樓上頭。湘簾卷上珊瑚鈎。嘈嘈雨點聒醉夢。忽驚六月涼如秋。

龍山晚翠

連巒迤邐如盤龍。絕壁窈窕深幾重。嵯峨黛色更奇絕。畫中抽出金芙蓉。半邊帶雨歸雲黑。雲盡蒼蒼數峰立。晚來拄頰爽氣多。已覺霏微嵐翠濕。

馬灘春漲

東華事略

東華事略

北

涓江日夜流滔滔。春來滌出碧蒲萄。雪消流漸幾篙漲。奔灘怒薄崩洪濤。篙師絕叫不得榜。一葉輕迷所向。乘流一瞥過酒巖。桂橈穩泛桃花浪。

朝鮮事迹當看書目

東國通鑑 朝鮮記年撮要 東國輿地勝覽

海東諸國記 懲忠錄 兩朝平壤錄

經國大典 大典續錄 國朝五禮儀

皇華集 有十餘部 三韓詩龜鑑 東人詩話

牧隱集 東文粹 諸史內朝鮮傳

將軍家 聘使

慶長十二年。神祖 王名 李_| 昞

元和三年。台廟 李_| 瑄

寬永元年。猷廟 李_| 侗

寬永十三年。李_| 侗

寬永二十年。李_| 侗

明曆元年。嚴廟 李_| 湊

天和元年。憲廟 李_| 焯

正德元年。文廟 李_| 焯

珠球牙略

仁廟實錄

其

享保元年

元當作四

德廟

李焯

寬延元年

惇廟

李吟

東韓事略終